

(<https://news.usm.my>)

Berita Mutakhir

03
MAY

USM MUNCUL NAIB JOHAN KEJOHANAN FUTSAL MAKSAK 2017



PULAU PINANG, 1 Mei 2017 – Universiti Sains Malaysia (USM) berjaya muncul naib johan dalam kejohanan futsal Majlis Kebajikan Dan Sukan Anggota-Anggota Kerajaan Malaysia (MAKSAK) yang berlangsung di Kompleks Sukan Azman Hashim USM, hari ini.

Pada perlawanan akhir yang berlangsung antara USM dan Majlis Bandaraya Pulau Pinang (MBPP), USM tumpas 2-1 dalam perlawanan yang begitu sengit dan mendebarkan.



Menurut pengurus pasukan, Azlisufryzal Bunizar, walaupun USM hanya berjaya muncul naib juara dalam edisi kali ini, beliau sangat berpuas hati dengan komitmen dan semangat juang para pemain yang berjuang habis-habisan sehingga wisel penamat dibunyikan.

“Walaupun mengharungi banyak perlawanan peringkat kumpulan dan terpaksa beraksi sehingga ke ‘sudden-death penalty’ semasa perlawanan separuh akhir menentang Bank Simpanan Nasional (BSN), namun dengan kesungguhan dan kecergasan yang tinggi, kami berjaya melepasi semua halangan.”

Tambahnya lagi, pasukan Futsal USM sepatutnya boleh berbangga dengan kejayaan ini, kerana mereka tumpas kepada pasukan yang majoriti pemainnya sedang beraksi dalam Futsal Liga Felda Kebangsaan.



Untuk rekod, USM juga merupakan naib johan dalam kejohanan sama pada tahun 2016, juga tumpas kepada MBPP.

Sebanyak 16 pasukan mengambil bahagian dalam kejohanan kali ini, yang dibahagikan kepada 2 kumpulan.

Antara pasukan lain yang mengambil bahagian adalah Bomba, Jabatan Pengangkutan Jalan (JPJ), Majlis Amanah Rakyat (MARA), Hospital Pulau Pinang (HPP), Jabatan Veterinar, Jabatan Botani, Pejabat Setiausaha Kerajaan Negeri Pulau Pinang (SUKPP), Jabatan Kimia, Jabatan Kebajikan, Jabatan Muzium Negeri, Majlis Amanah Rakyat (MARA), Pejabat Kesihatan Daerah Timur Laut (DTL), Kumpulan Wang Simpanan Pekerja (KWSP) dan Perbadanan Pembangunan Pulau Pinang (PDC).

Teks: Mohamad Danial Shahri/Foto: Ihsan FB MBPP



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my)

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015